

**IN VIGILIA**  
**PASCHAE,**  
**AD COLOS. III.**

**Fratres, Si confurrexistis cum Christo, quæ sursum sunt quærite, ubi Christus est in dextera dei sedens. Et reliqua.**

**D**omini nostri Iesu Christi honorabilem solēnitatem, sua fauente clemētia, fratres charissimi fideliter ueneremur, pietatem eius ineffabilem admiremur, qui non solum nostræ redemptiōis causa humanam carnem suscepit, uerumetiam diuersa pœnarum genera, p̄ nostra salute subire dignatus est, ut licet post multū inertię & pigritię nostræ somnū, nō inuiti, sed uolūtarij, sanctę Christianę religionis dulcedine prouocante, in sanctissimę solennitatis cōuentu expergefati, libenter & deuote cum omni solitudine resurgamus, secundum illud quod Apostolus ait in præsentī lectione: **Si confurrexistis cū Christo, quæ sursum sunt quærite, ubi Christus est in dextera dei sedens, quæ sursum sunt sapite, nō quæ super terram.** Ac si diceret: Nos qui ad imaginem sanctę trinitatis reformamur, ad eandem renouemur imaginem: & qui trino peccatō maxime decidimus in cōsensum operum malorum, tertio eleuati de fonte remissione omnium peccatorum percepta, p̄ Christi gratiam sicut ipse tertia die resurrexit, nos resurgamus ad uitam. Nos uero si cōsurgere cupimus cum Christo, prius moriamur mundo & concupiscentijs carnalibus, & deponentes uete

rem hominem, id est, malam uoluntatem, uel usum prauum & delectationes pessimas: induamus nos benignitatem, ut proximis nostris cum omni deuotione faciamus bonum, & post dei dilectionem nihil amori proximi præponamus, sed ut nosmetipsos, illos diligamus. Sequitur: Quæ sursum sunt sapite, non quæ super terram. tantum ea quæ caelestia sunt, non quæ terrestria quærentes: terræ mori, uiuere autem deo: caelestem sectari sapientiam, non terrenam. Nam subditur: Horui enim estis, et uita uestra abscondita est cum Christo in deo. Cum enim mortui erimus mundo, & facultatibus eius atque desiderijs, uita nostra abscondita est in deo, quia filij dei sumus. Vnde sequit: Cum enim Christus apparuerit uita uestra, tunc et uos apparebitis cum ipso in gloria. Nondum enim apparet quid aut quales facti sumus ad iudicium. Cum autem Christus ad iudicandum uiuos & mortuos apparuerit, tunc & nos simul cum illo apparebimus in gloria resurrecturi. Nobis etenim & pro nobis Christus nascitur, patitur & resurgit, ut nos per ipsum in uitam renasceremur in tribulationibus, & cum eo in uirtutibus resurgamus. Omnia enim per ipsum in hac nocte restaurata sunt. In hac quippe nocte quasi primitiæ ipse resurrexit, ut nos omnes postea resurgamus. In hac ergo nocte captiuitas nostra soluit, uita in Adam amissa restaurat. In hac nocte protoplastus Adam resurgit, peregrinus rediit ad patriam paradisi. Ab hac enim nocte dominicæ resurrectionis paradisi omnibus patet, nulli clauditur nisi à seipso, nulli aperitur nisi à Christo. Et ideo cum omni sollicitudine caueamus, ne propter opera diaboli quæ pertrahunt in interitum,



754 **¶** IN VIGILIA PASCHAE.

apertum nobis iter regni celestis nos ipsi claudamus,  
sed potius pro opera iustitiae & misericordiae, planum no-  
bis iter faciamus ad regnum caelorum. Ergo humili-  
tate nostra, humilitate pro nobis domini nostri in memo-  
riam reuocemus. Humiliter in ista nocte uigilemus, hu-  
militer oremus ad deum, qui gloria sui luminis illu-  
minauit hanc noctem, cui dicimus: Deus meus illu-  
mina tenebras meas, illumque rogemus, ut praebeat lu-  
cem cordibus nostris, ut quemadmodum gaudenti-  
bus oculis istum splendorem luminum cernimus, ita  
huius noctis preclaram gloriam illuminata mente ui-  
deamus, ipsumque precemur, ut exaudiat nos uigilan-  
tes in solennitate sua, qui dormiuit pro salute nostra.

Vigilemus ergo & oremus forinfecus, hanc uigiliam  
celebremus. Deus nobis loquitur in lectioni-  
bus suis, deo loquamur in precibus nostris.

Si eloquia eius obedienter audie-  
rimus, in nobis habitat que  
rogamus, cui est honor  
& gloria in secula  
seculorum,  
Amen.

**¶** Finis partis hyemalis.



~~2 part, me, my,~~  
~~A part,~~  
shunt, & 1 vmsor,  
p. fone,

Alford, dunes,  
Alford, 7th  
allison, linn, wall  
Linton, p. m. l. b. l.































